

Centro di bario i deporte Dakota

(Esaki ta un relato di un conversashon cu Redacion di Warero tawata tin cu Sr. Nelo Loefstok, presidente di C.B.D. di Dakota)

Manera pueblo di Aruba sa, e C. B. D. g di Dakota a wordo inaugura 4 di december 1976. E metanan di C.B.D. di Dakota ta pa desarojá trabao social, cultural i educativo, i pa stimula deporte den Dakota en general. Pa alcanza e metanan di C.B.D. di Dakota tin un directiva general i diferente comishonan cu ta dedica nan mes na e metanan aki. (Wak e schema di e organisashon basico di C.B.D. di Dakota) E directiva general ta consisti di maximum 11 persona. E directiva general ta tuma desishonan encunto e proposishonan di e Comishonan. E Comishonnan tarea ta pa planea, organisa tur e eventmentonan cual nan ta cai bao di tal Comishon su tereno.

Vereniging C.B.D. di Dakota tin un sistema di "membership". Tur hende por bira miembro; e contribushon ta Fls. 10,— pa aña. E miembronan tin derecho di vota, derecho di bira i wordo eligi como miembro di directiva.



Esakinan ta cuatro miembro di directiva di C.B.D. di Dakota.



Un bunita bista di e edificio di C.B.D. di dakota



E idea pa lanta un organisashon pa stimula trabao di centro di bario i deporte a sali for di Sportvereniging Dakota, durante e aña 1973. Mirando e necesidad pa trabao di bario i mirando cu Hulanda ta dispuesto pa finansia 75 o/o di e proyecto pa C.B.D. di Dakota, S.V. Dakota a traha duro pa acumula fondo necesario. Y asina S.V. Dakota a cambia su Statuton pa Vereniging C.B.D. di Dakota. E proyecto aki ta costa total 880 mil florin. Pero 90 mil florin a wordo cubri door di trabao haci na prijs barata o gratis door di e pueblo di Dakota i Aruba en general.

E proyecto a wordo firma dia 30 di september 1975 Despues di diesun (11) luna di trabao, na januari '77 e edificio di C.B.D. di Dakota a keda cla.

E edificio ta brinda facilidatnan pa: un sala di recreacion, sala di reunion, podium, biblioteca, lokaal pa estudio, lokaal pa obra di man, lugar pa practica ping-pong, biljart i dos toilet.

Encunto facilidatnan pa practica deporte pafor, tin dos cancha di tennis, un cancha di basket, un cancha di volley i tambe tereno pa football. Pa e muchanan tin un speeltuin.

E manteneshon di e edificio ta wordo haci door di un werkster. Pero e directiva tambe ta juda mantene e edificio limpi. Tambe tin un bartender cu ta percura pa tur locual ta concerni e bar.

C.B.D. di Dakota ta habri tur dia entre 5.30 di atardi di 10'or di anochi.

Den week-end e ta habri di 10'or di mainta te 10'or di anochi. Huurmento di C.B.D. di Dakota ta posibel pa pueblo di Dakota, specialmente pa recepcion

E presidente di C.B.D. di Dakota a expresa cu tin hopi nesecidad di un lider di centro di bario pa asina stimula e trabao di bario mas ainda.

Sr. Loefstok a conta cu C.B.D. di Dakota ta wordo hopi bon bishita door di e poblashon di Dakota i vecindario. E ta considera esaki como un caminda na unda e pueblo por amusa su mes i specialmente por desarojá su mes riba tereno social, cultural i educativo.

Actualmente e directiva general ta consisti di e siguiente personanan: Nelo Loefstok, presidente E. Malmberg, vice-presidente E. Rincones, secretario, O. Oliviera, segundo secretario D. Bikker, tesorero N. Krozendijk, segundo tesorero i comisario-nan P. Comenencia, D. Kock, G. Kelly, G. Tous-saint, G. Carolina.

ORGANISACION BASICO DI C.B.D. DI DAKOTA

Salon de Bellesa

Rachelle

COSMETIC — PERFUMES

UNI-SEX HAIR STYLING



Lagoweg 3 San Nicolaas Tel: 5912

DEPORTE

BRAZIL VOLLEYBALL TEAM DEN CAMPEONATO ANTIYANO.

Un palabra di felicitacion Redaccion di Ware-ro ta manda pa nos equipo di volleyball di Brazil cu durante weekend di februari 25 y 26 na ultimo momento mester a enfrenta e equipo campeon di volleyball di Corsow cual ta Sithoc-Mensing Strada. Tawata un sorpresa pa nos tur di a mira e equipo di volleyball di Brazil cu no tawata prepara pa e importante encuentro aki cual tawata válido pa e mpeonato Antiyano di volleyball, duna un batalla tremendo.

Sr. Chico Harms, di e equipo di Brazil tawata e volleyballer cu a destaca mihor durante e Campeonato Antiyano aki.

Un palabra di felicitacion sin duda ta na su lugar aunque cu Brazil a perde tur e dos encuentronan cu score di 3 -1. "Mas vale participar que ganar. Brazil, como subcampeon di Aruba mester a reemplaza e campeon di Aruba, cual ta Rapid na ultimo momento, enfrentando e candeloso team di Corsow, Mensing Strada.

Pesei nos por bisa cu nos equipo di volleyball di Brazil a haci un gran esfuerzo pa dentro di un siman pa prepara nan mes y enfrenta e equipo di Corsow cu enberdad tawata den condicion.

Nos tin sigur si nos muchanan sigi train debidamente, nos lo tende hopi di nan den e anja venidero. Pues muchanan, ánimo, práctica duro y pronto nos lo bai bek pa nan y gana nan den nan mes cas.

Masha danki
Redaccion di Warero.

Leon Battery Shop



Industrial Automotive & Marine Batteries
Battery and Acid Sales / Rentals and Repairs
One Year Guarantee on Sales

BERNHARDSTRAAT 74, SAN NICOLAS

TEL: 5095 — 5052.

The ex-Winkel Handel Garage.

Just call us we deliver Island wide.